

庶物類纂

石屬
自六十三至六十四

家

太政官文庫			
和書門	特別	一二三六二	第一番函架
		四六五	册

内閣文庫	
番號	和 32362
冊數	465 (161)
函號	特 54 1

百内

共卅七



A 1 2 3 4 5 6 M 8 9 10 11 12 13 14 15 B 17 18 19



Kodak Gray Scale



© Kodak, 2007 TM: Kodak







庶物類纂石屬卷之六十三目次

落星石

龍窠石

金雞石

阻聲石

平泉石

庶物類纂 卷六十三

石屬目次

石類考 卷十三

落星石

石類考 卷十三

石屬 落星石 一

石類考卷之二十三

落星石

火于水則星墜漢董仲舒春秋繁露

釋一曰夫遙大之物寧可度量今人所知莫若天地
天為積氣地為積塊日為陽精月為陰精星為萬物
之精儒家所安也星有墜落乃為石矣精若是石不
得有光性又質重何所繫屬一星之徑大者百里一
宿首尾相去數萬百里之物數萬相連闊狹從斜常
不盈縮又星與日月形色同爾但以大小為其等差
然而日月又當石也石既牢密烏兔焉容石在氣中

無物類考卷之二十三

石屬 落星石 二

豈能獨運日月星辰若皆是氣氣體輕浮當與天合
往來環轉不得錯違其間遲疾理宜一等等何故日月
五星二十八宿各有度數移動不均寧當氣墜忽變
為石北齊顏之推家訓

蜀州晉源縣山亭中有二大石各徑二尺已來出地
七八寸人或坐之心痛往往不救又是落星石東邊

者生即靈驗西邊者死與諸石無異色並帶青白唐杜

光庭錄異
記○說郛

傳曰隕石隕星也春秋僖公十六年書隕石于宋五

今涼州張駿分野仲尼筆法誌其災異以應人君奉
天戒修新政也不為涼州言吉凶也唐薛收元經薛氏傳○漢魏叢書

李師誨者画蕃馬李漸之孫也為劉從諫潞州從事
知劉不軌遂隱居黎城山潞州平朝廷嘉之就除一
縣宰曾於衲僧處得落星石一片僧云於蜀路早行
見星墜於前遂圍數尺掘之得片石如斷磬其一端
有雕刻狻猊之首亦如磬有孔穿條處尚光滑豈天
上樂器毀而墜歟此石後流轉到綽安邑宅中唐李綽尚

書故實

治平元年常州日禺時天有大聲如雷乃一火星幾如月見于東南少時而又震一聲移著西南又一震而墜在宜興縣民許氏園中遠近皆見火光赫然照天許氏藩籬皆為所焚是時火息視地中只有一竅如極大極深下視之星在其中熒熒然良久漸暗尚熱不可近又久之發其竅深三尺餘乃得一圓石猶熱其大如拳一頭微銳色如鐵重亦如之州守鄭伸得之送潤州金山寺至今匣藏遊人到則發視王魚

答為之傳甚詳

宋沈括夢溪筆談

機

謹按事言要玄引筆談火星作大星所楚作所

焚

星隕於地腥礦頑醜化為惡石其昭然在上而萬物仰之者精氣之聚爾及其斃也瓦礫之不若也人之死骨因臭腐蝼蟻之食爾其貴乎萬物者亦精氣也其精氣不奪于物則蘊而為思慮發而為事業著而為文章昭乎百世之上而仰乎百世之下非如星之精氣隨其斃而滅也可不貴哉而生也利欲以昏耗

之死也臭腐而棄之而惑者方曰足乎利欲所以厚

吾身吾於是乎有感宋歐陽修廬陵雜說○說部

機謹按歐陽文忠公全集同

元氣初變有形既闢稟清明之表者騰為星辰受重濁之資一作姿者降為土石肇經綸於邃古蓋常久而

不易說哉靈物爰始混成象夫玄象麗於太清彼在天也何譴奄淪落於邊城其在地也何幸復推遷於

上京爾其蘭臺廣庶芸閣脩除飛軒廓落邃宇崇虛芳草旖旎珍木扶疎邇九重之宮闕藏萬古之圖書

地禁務簡政和禮舒貞而不黷其清有餘意棲閑之

得所形一作雖變化其焉如徒觀其隱淪晶昭疑畜縮

光芒體碑研以難動氣埋冥而不揚擬於規矩既不

合於圓方徵其彩飾又無復於玄黃匪處匪出不識

於行藏匪榮匪悴不達於炎涼夫其靜也何必徐生

百祥夫其重也何必能鎮百殃庶永終而知弊蓋抱

璞而襲常彼無用也亦至人之所謂允臧崔沔落星石賦○文

苑英

昔有星墜水化為石當彭蠡灣中俗呼為落星灣圖

○合璧
事類

落星石秘省內落星石薛稷畫鶴賀知章草書即餘
令畫鳳相傳號為四絕南部新書宋孔候白
孔六帖

成化中星隕於山東莒城縣馬長史家門中初墮地
其光煜煜而星體腐軟特如粉漿馬家人以杖抵之
沒杖成穴久而漸堅乃作一石嘉興焦通判說
明陸燦庚已編○

李師誨兄弟于衲僧處得落星石一片僧云于蜀路
早行見星墜前于前遂掘之得一片石如斷磬具石
端有雕刻後猊之首亦如磬有孔穿絛處尚光滑豈

天上奏樂器毀而墜與此石流傳安邑李吉甫宅中

尚書故實○明
陳耀文天中記

尚書故實云李師誨得僧所遺落星石一片云于蜀
道早行見星前墜遂圍數尺掘之得片石如斷磬其
端有雕刻狻猊之首有孔穿絛處光滑可愛以為天
上樂器毀而墜也噫此不格物者之譚余以為僧值
落星掘之偶得此物非天上有此工作之器耶抑寶
氣衝天偶淪于地隨掘而得之耶有友人為余言數
人夜坐齋頭見糞壤中浮光如李核掘取之得一玉

佛如指大蓋珠，王金寶俱能放光。蜀僧神其說，謬以為天上物耳。明陳正學讀書解

元史冬十月有星如火從東南流，芒尾如曳筭墮地，有聲火焰蓬勃久之乃息。化石青黑光瑩，狀如狗頭。

命藏于庫。明牛衷碑

萬曆二十五年八月二十七日巳時，忽然天鼓轟轟。

聲響如雷，壹飯之頃飛降一星，隨帶火光墜於河內。

縣常平鎮老狼骨，沱取出驗，看外黑如鐵，中白如銀。

見貯本省布政司。明陳繼儒見聞錄○秘笈

陽氣之精上浮為星，散而隕墜當無形也。然隕時有

聲，金星之精墜于終南化為白石，彭蠡有落星石。又

春秋五石隕越于宋，迨俞某早朝偶爾星隕身側，鏗

然有聲在地，尚響視如硃砂，小石南都應天府學內

有星隕石三塊。明林有麟素園石譜

黑初山在碭嘉縣西高千餘仞，五峰並聳百里連秦

山下有隕星，今移置縣治前。按志元秦定間有大星

隕于縣之處，初山化為黑石，狀如冬此色如鉄，上有

點如星擊之鏘然有聲，欲舉之者默然則動，有語聲

則不能舉土人怪而積薪焚之雷雨交作乃止嘉靖
間知縣某移置土神祠以立春日祀之

明曹學佺名勝志

左傳曰隕石于宋五隕星也杜預注曰但言星則嫌

星使石隕故重言隕星

淵鑑類函

感應錄隨大業十二年五月有大星隕于吳郡為石
占曰有亡國有為王有大戰破軍殺將其後大軍破
劉元進于吳郡斬之又感應錄載劉元進舉兵據吳
郡江都郡丞王世充發兵擊之大星墮于江都未及
地而南磨拂竹木皆有光飛至吳郡遂墮地元進惡

之令掘地得一石徑丈餘

歷代紀異感應錄○姑蘇志

峯崑山山南有大石相傳為墜星

同上

紹興二十九年十月有星自西南隕蕪湖東柳家山
有聲如雷其光燭天農民走視之隕一石高二尺色
青黑如鉄恐惑衆投之水中此灾異也

太平府志

公婆石明崇禎十二年高良雲菴煇山上有二石一
大一小忽一日大石光墜下山平田去數里而止鄉
人以為異後一日小石復墜與大石同止一處因號
曰公婆石亦春秋隕石之一異也

德慶州志

嘉靖庚申夏郡西南五舍鎮天隕一石越數月其石

自動忽一夕風雨失云松江府志

洛星石在二教塔石高三尺餘土色異常其下深入

地中相傳星墜化石也洛陽縣志

落星石在治北四十里舊傳星隕於此化為石高幾

一丈白如雪潁陽縣志

至正十九年四月己丑有星墜於山前其聲如雷化

為石松溪縣志

落星石在縣北百里錢家坑元至正五年十一月甲

子夜一星隕于余輶後山碎為四石一星隕于佛奧

化為石而巨至今光輝清瑩長沙府志

至正十年春正月棣州隕石初空中有聲自西而來

距列二十里外隕于地為石其色黑微有金星散布

其上有司以進遂藏之司天監濟南府志

洪武二十六年六月十五日有星隕於蒲折南團村

入地五尺得石大如瓠青黑色形類狗頭蓋狗星也

武昌府志

永樂六年信陽平昌關北三里許有大星墜地化為


石其聲轟轟光四射人外則純黑中具五色置之州治至今尚存○汝寧府志

河洲星石在縣西三十里世傳星落洲上化為石因

名星洲休寧縣志


崇禎十三年汶上集元旦天上有聲如雷薄昏星墜形類石碎或以鐵擊隨火光而散城武縣志

龍窠石




龍窠石

中山僧表堅面多癩痕偶溪中得石如雞子夜覺涼
冷信手磨面癩痕盡滅後讀博異志曰龍窠石磨瘡
癩大效廬山雜記○唐馮贄
雲仙雜記○說郛



金雞石




石屬

金雞石


金雞石

雋都縣有金雞石傍有穴宋永初中見金雞棲翔此穴頗時飛鳴晉鄧德明南康記

金雞石壁立數仞有赤文綠字俗傳能讀此金雞飛鳴唐羅隱過讀之遂見金雞飛鳴焉故名金雞石歙縣志



阻聲石




石屬

阻聲石

一

博物類纂卷之三



阻聲石

阻聲石○外紀云諳厄利亞有怪石長七丈高二丈
隔石堯大鏡人寂不聞故名聾石獻萬曰築牆最厚
牆下堯圈盤洞則屋中聲不外出清鏡桐方氏
物理小識

博物類纂

卷之三

石屬

阻聲石

二


平泉石

平泉石

無物類纂 卷六十三

石屬 平泉石 一

平泉石



平泉石

平泉石出自關中。考之李德裕平泉莊記。竹木花石之義。其石產冰中。每獲一奇。皆鑿有道二字。頃余於潁昌杜欽蓋家。賞一石。雙峰高下。有道挺然。長數寸。許無嵌空。岩竇勢。其質不露圭角。磨礪光潤。而青堅於石。罅中鑿有道二字。扣之有聲。宋杜綰雲林石譜
李德裕石。○五代史。張全義傳云。唐莊宗時。為太師尚書令。兼四鎮節度。有監軍。嘗得平泉醒酒石。德裕孫延古抵全義。復求之。監軍忿然曰。自黃巢亂。後洛

庶勿頌纂 卷六十三 石屬 平泉石 二

陽園池無復能守豈獨平泉一石哉全義嘗在賊巢中以為譏也大怒笞殺之

又平泉醒酒石為玉清昭應宮所取昭應焚仁廟裂其地陽濮潞潭越韓冀王冀之子丹陽郡王守節得其園地發土得巧石前後幾萬塊多奇偉擎天醒酒石居其一上有文饒刻字云韞玉抱青輝間庭日瀟洒塊然天地間自是孤生者長慶癸卯歲二月景戌題紹聖中有旨輦其石歸禁中築月臺後丹陽裔孫密訪醒酒所在云今置石殿中矣見張右承徵澹岩

集宋杜綰雲
林石譜

河南長壽殿南有婆羅亭貯奇石處世傳李德裕醒酒石以水沃之有草木自然之狀今謂沙羅蓋以樹

名河南志宋孔侯白
孔六帖

五代張全義監軍嘗得李德裕平泉醒酒石德裕孫延古因託全義復求之監軍忿然曰自黃巢亂後洛陽園池無復能守豈獨平泉一石哉全義嘗在巢賊中以為譏也因大怒奏笞殺監軍者同上

石能醒酒則李衛公平泉莊物也艸能醒酒則開元

興慶池南物也 元表摘 澄懷錄

李德裕于平泉採天下珍木怪石為園池之玩有醒酒石德裕尤所寶惜醉即踞其上一時間即清爽至五代張全義傳云唐莊宗時為太師尚書令命兼四鎮節度使有監軍司轄嘗得平泉醒酒石德裕孫廷古托全義求復監軍忿然曰自黃巢亂後洛陽園池無復能守豈獨平泉一石哉全義嘗在巢賊中以為譏已大怒笞殺之 明林有麟 素園石譜
平泉石出自閩中考之李德裕平泉莊記艸木花石

之美其石產水中每獲一奇者皆鐫有道二字穎昌杜欽益家蓄一石雙峯高下有道挺然長數尺無嵌空巖竇勢其質不露圭角磨礮光潤而青堅石罅中鐫有道二字 同上


河南志曰長春殿有婆羅亭貯青石處世傳德裕醒酒石以水沃之有林木自然之狀謂之婆羅石 淵鑑類函
唐餘錄曰李德裕於平泉別墅採天下珍木怪石為園池之玩有醒酒石醉即踞之尤所寶惜 同上
醒酒石唐餘曰李德裕于平泉別墅採天下怪石為

園林之翫有醒酒石德裕尤所寶惜洛陽縣志


庶物類纂石屬卷之六十四目次

- 火石
- 靈巖石
- 茅山石
- 石碯
- 松化石
- 青州石

博物類纂卷六十四



火石



博物類纂卷六十四

石屬 火石

一

蘇州府志卷之十四

火石

火石出圖山潤山多土而此山獨石間有紋石如瑪瑙擊之火出人多取以為用

江鎮府志
瓊州府志

火石西黎都多用擊取


蘇州府志

卷之十四

石屬

火石

二



靈巖石

石屬 靈巖石 一


靈巖石

非石非玉文理交錯佳者堪充盆玩又有假山石洞
穴玲瓏與太湖石形相類並產冶山江南通志


靈巖石非石非玉自是一類亦名文石文理交錯因
以名之出靈巖山端好者充盆玩輪囷者製為器皆
需重價始佳蓋又兼備諸瑪瑙之文與色而成質者

六合縣志

博物類纂卷六十四




茅山石



博物類纂卷六十四

石屬 茅山石 一




茅山石

茅山石似玉鎮江府志

茅山石似玉可以為佩金壇縣志

博物類纂卷之十四




石碯



博物類纂卷之十四

石屬 石碯



石磕

形圓色紫而有刺
府台志

石屬

石磕

二


松化石

一名松石、博學彙書 一名石松、四志總

石屬

松化石

一



松化石

婺州永康縣山亭中有枯松樹因斷之誤墮水中化為石取未化者試於水隨亦化為其所化者枝幹及皮與松無異但堅勁有未化者數段相兼留之以旌異物焉

唐杜光庭錄
異記○說郭

越中禹志者即高松數十株參天遠望無不見故鄉人謂之禹志也禹巡狩至會稽殂落葬於此陵今與山為一體皆變為石矣故漢書云禹葬會稽不改其列注云不改松柏百物之列也祠後窆石存焉即古

之縣封碑之濫觴也。今疑為禹志，即禹帝陵耳。且三王之世無山陵名。至秦為山，漢為陵。後兼二為名。若然者，古之志即今之陵也。宋吳僧贊寧傳載略○說郭按野古東北千餘里曰康干河。投松木入水，二年乃化為石。其色青，有國人居住。其人謂之康干石。其松為石以後，仍似松文。宋馬端臨文獻通考婺州永寧縣松林頃，林馬自然先生在山。一夕大風雨，忽化為石地，悉皆斷截。大者徑三二尺，尚存松脂脉紋。土人運而為坐具。至有小如拳者，亦堪置几案。

間

宋杜綰雲林石譜○說郭

機

謹按明林右麟素園石譜：松林頃作松林頭。

馬自然大中時永康縣東天寶觀觀有大枯松。湘指之曰：此松已三千餘年，即化為石。自後松果化為石，忽大風雷震，石倒側作數截。揚發自廣州節度責授婺州刺史，性尚奇異，乃徙兩截就郡齋，兩截致之龍興寺九松院，各高六七尺餘。其石松皮鱗皴，今猶存焉。續仙傳○明陳耀文天中記僕骨東境，其地東北一千里，有康干河，斷松投之，三

唐書卷一百一十五

年輒化為石其色青謂之康干石有松文同上
按野古亦鐵勒之別部在僕骨東境勝兵萬其地豐
草人皆殷富其酋俟利發屈利失負觀二十一年舉
其部來降其地東北千餘里曰康干河有松木入水
二年乃化為石其色青有國人居住其人謂之康干
石其松為石以後仍似松文明慎懋官華夷花木鳥獸珍玩考
駙馬萬公曲水家園新寧遠伯之故園也燕不饒水
與行而園饒之水以汲灌善渟焉澄且鮮府第東入
石牆一遭徑迢迢皆竹竹盡而西迢迢皆水曲廊與

水而曲東則亭西則臺水其中央濱水又廊廊一再
曲臨水又臺臺與室間松化石攸在也木而化與聞
松柏槐柳榆楓焉聞化矣木尚半焉化石非其化也
木歸土而結石也松千歲為茯苓茯苓土之屬也又
千歲為琥珀又千歲為璽琥珀與璽石之屬也夫石
亦有形似不可以化言之洞壑中有禽若獸若者矣
可謂之物化乎古丈夫仙佛若者矣人天化乎樓若
城若塔若者矣人所構造以化乎然石形也松曰松
化石形性乃見膚而鱗質而幹根拳曲而株婆娑匪

燕勿頭集卷之十四

石屬

松化石

四

松實化之不至此

明劉侗帝京景物畧

浙江布政使後樂亭前西徧有松化石龍鱗隱起如

皴枝榦與枯松無異捫之乃知是石辛亥冬吳左丞

用先邀讌與陳裸費元祿秉燭同觀

錄異記載婺州永康縣山亭中

松化石在永康縣東北延真觀前唐建中間道士馬

自然指庭松曰此松已三千年矣當化為石至夕大

風雨其松果化近觀山中松皆化為石夫天地間氣

化形化萬有不齊松之化石無怪也但云三千年則

化此未可拘余嘗過中部之橋山見古柏凌霄大可

二丈圍皆軒轅時物迄今蓋四千三百年矣盤鬱蒼

翠仍故物也

明慎蒙名山諸勝一覽記

機謹按華夷花木鳥獸珍玩考同

松陵集曰陸龜蒙二遺詩序曰越之東陽多名山永

康之地亦蟬聯其間中饒古松往往化而為石盤根

大柯文理具析好事者攻而置諸人間以為耳目之

異太山羊振文得枕材趙郡李中秀得琴薦皆茲石

也咸以遺余以二遺之奇賦詩以謝

淵鑑類函


續神仙傳曰道士馬湘字自然唐建元中至觀前指松樹曰此松已三千年矣當化為石至夕大風雨其松果化近觀松皆化為石同上

新唐書曰拔野古一日拔野固或為拔曳固漫散磧北地千里直僕骨東帳戶六萬兵萬人地有薦草產良馬精鐵有川曰康干河斷松投之三年輒化為石色蒼緞然節理猶在世謂康干石同上


輿地紀勝云宋建炎間遂寧府轉運使衙內後圃有松石外猶松樹而中化為石清來元成博學彙書

重慶府永川縣有石松坪在來蘇鎮有松化石石質而松理或二三尺許大可合抱然不過相望數山有之俗呼雷燒松同上

石松永川縣六十里古有松化為石樹被雷擊折為斷石上有松紋節理蒼皴散卧野中世所罕見四川總志



唐物類集卷之六十四



青州石

唐物類集卷之六十四

石屬


青州石

一

青州石

青州石產之中大數尺小亦尺餘或大如掌細碎磊
 砢皆成物狀在穴中性頗軟見風即勁凡采之易脆
 不可勝其質玲瓏竅眼百倍於它石眼中多為軟
 土充塞徐以竹枝滴淨盡宛轉通透無峰巒峭拔勢
 石色帶紫微燥扣之無聲土人以石藥粘綴而取仍
 像雲氣枯木怪石欹側之狀宋杜綰雲
 林石譜
機謹按疑大字下脫者字滴字下脫水字也

麻
生
美
集
不
種
二
可



Vertical text on the right edge of the right page, likely bleed-through from the reverse side. The text is mostly illegible due to fading and the angle of the page.

